

職方典第五百九十六卷

成都府部藝文三

詩

灌令歌

漢無名氏

崔瑗爲灌令開渠耕田民賴其利歌曰

天降神明君錫我慈仁父臨民布德澤恩惠施以序穿溝廣灌漑決渠作甘雨

登成都白菟樓

晉張載

重城結曲阿飛宇起層樓累棟出雲表嶢嶢臨太虛高軒啟朱扉迴望暢八隅西瞻岷山嶺嵯峨似
荆巫蹲鵠蔽地生原隰殖嘉蔬雖遇堯湯世民食恆有餘鬱鬱少城中岌岌百族居街衢紛綺錯高
甍夾長衢借問揚子宅想見長卿廬程卓累千金驕侈擬五侯門有連騎客翠帶腰吳鉤鼎食隨時
進百和妙且殊披林採秋橘臨江釣春魚黑子過龍醢果饌踰蟹蟪芳茶冠六清溢味播九區人生
苟安樂竝土聊可娛

文翁講堂

唐盧照鄰

錦里淹中館岷山稷下亭空梁無燕雀古壁有丹青槐落猶疑市苔深不辨銘良哉二千石江漢表遺靈

石鏡寺

前人

古墓芙蓉塔神銘松柏煙鸞沉仙鏡底花沒梵輪前銖衣千古佛寶月兩重圓隱隱香臺夜鐘聲徹九天

送范宗凱還資

李白

青山橫北郭白水繞東城此地一爲別孤篷萬里征浮雲遊子意落日故人情揮手自茲去蕭蕭班馬鳴

越王樓歌

杜甫

綿州州府何磊落顯慶年中越王作孤城西北起高樓碧瓦朱甍照城郭樓下長江百丈清山頭落日半輪明君王舊跡今人賞轉見千秋萬古情

和裴迪登新津寺寄王侍郎

前人

何恨倚山木吟詩秋葉黃蟬聲集古寺鳥影度寒塘風物悲遊子登臨憶侍郎老夫貪佛日隨意宿僧房

鹿頭山

在漢州

前人

鹿頭何亭亭是日慰饑渴連山西南斷俯見千里谿遊子出京華劍門不可越及茲險阻盡始喜原野闊殊方昔三分霸氣曾間發天下今一家雲端失雙闕悠然想揚馬繼起名碑兀有文令人傷何處埋爾骨紆餘脂膏地慘澹豪俠窟仗鉞非老臣宣風豈專達冀公柱石姿論道邦國活斯人亦何幸公鎮踰歲月

成都府

前人

翳翳桑榆日照我征衣裳我行山川異忽在天一方但逢新人民未卜見故鄉大江東流去遊子去日長曾城填華屋季冬樹木蒼喧然名都會吹簫聞笙簧信美無與適側身望川梁鳥雀夜各歸中原杳茫茫初月出不高衆星尙爭光自古有羈旅我何苦哀傷

泛溪

即浣花溪

前人

落景下高堂進舟泛廻溪誰謂築居小未盡喬木西遠郊信荒僻秋色有餘淒練練峯上雪纖纖雲表霓童戲左右岸弔弔畢提攜翻倒荷芰亂指揮逕路迷得魚已割鱗採藕不洗泥人情逐鮮美物賤事已睽吾村靄暝姿異舍鷄亦棲蕭條欲何適出處庶可齊衣上見新月霜中登故畦濁醪自初熟東城多鼓聲

石犀行

前人

君不見秦時蜀太守刻石立作三犀牛自古雖有厭勝法天生江水向東流蜀人矜誇一千載泛溢不近張儀樓今年灌口損戶口此事或恐爲神羞終藉隄防出衆力高擁木石當清秋先王作法皆正道詭怪何得參人謀嗟爾三犀不經濟缺訛只與長川逝但見元氣常調和自免洪濤恣凋瘵安得壯士提天綱再平水土犀奔茫

石笋行

前人

君不見益州城西門陌上石笋雙高蹲古老相傳是海眼苔蘚蝕盡波濤痕雨多往往得瑟瑟此事恍惚難明論恐是昔時卿相墓立石爲表今仍存惜哉俗態好蒙蔽亦如小臣媚至尊政化錯迕失

大體坐看傾危受厚恩嗟爾石笋擅虛名後來未識猶駿奔安得壯士擲天外使人不見疑本根

丈人山

前人

青城山記云此山爲五嶽之長故名丈人有丈人觀

自爲青城客不唾青城地爲愛丈人山丹梯近幽意丈人祠西佳氣濃綠雲擬住最高峯掃除白髮黃精在君看他時冰雪容

石鏡

前人

蜀王將此鏡送死置空山寂寞憐香骨提攜近玉顏衆妃無復歎千騎亦虛還獨有傷心石埋輪月
字間

琴臺

前人

茂陵多病後尙愛卓文君酒肆人間世琴臺日暮雲野花留寶鑿蔓草見羅裙歸鳳求凰意寥寥不
復聞

懷錦水居止二首

前人

軍旅西征僻風塵戰伐多猶聞蜀父老不忘舜謳歌天險終難立柴門豈重過朝朝巫峽水遠逗錦江波萬里橋西宅百花潭北莊層軒皆面水老樹飽經霜雪嶺界天白錦城曛日黃惜哉形勝地回首一茫茫

蜀相

前人

丞相祠堂何處尋錦官城外柏森森映階碧草自春色隔葉黃鸝空好音三顧頻煩天下計兩朝開濟老臣心出師未捷身先死長使英雄淚滿襟

絕句三首

前人

聞道巴山裏春船正好行都將百年興一望九江城水檻溫江口茅堂石笋西移船先主廟洗藥浣花溪漫道春來好狂風大放顛吹花逐水去翻却釣魚船

司馬相如琴臺

岑參

相如琴臺古人去臺亦空臺上寒蕭條至今多悲風荒臺漢時月色與舊時同

巖君平卜肆

前人

君平曾賣卜卜肆蕪已久至今杖頭錢地上時時有不知支機石還在人間否

昇仙橋

前人

長橋題柱去猶是未達時及乘駟馬車却從橋上歸名共東流水滔滔無盡期

酬崔十三侍御登玉壘山思故園見寄

前人

玉壘天晴望諸峯盡覺低故園江樹北斜日嶺雲西曠野看人小長空共鳥齊山高徒仰止不得日攀躋

賦得青城山歌送楊杜二郎中赴蜀軍

錢起

蜀山西南千萬重仙經最說青城峯青城嶽岑倚空碧遠壓峨眉吞劍壁錦屏雲起易成霞玉洞花明不知夕星臺二妙逐王師阮瑀軍書王粲詩日落猿聲連玉笛晴來山翠傍旌旗綠蘿春月營門近知君對酒遙相思

武擔寺西臺

段文昌

秋天如鏡空樓閣盡玲瓏水暗餘霞外山明落照中鳥行看漸遠松韻聽難窮今日登臨意多歡笑

語同

成都曲

張籍

錦水近西煙水綠
新雨山頭荔枝熟
萬里橋邊多酒家
遊人愛向誰家宿

蜀先主廟

劉禹錫

天下英雄氣千秋
尙凜然勢分三足
鼎業復五銖錢得
相能開國生兒不
象賢淒涼蜀故妓
來舞魏宮前

成都詩

錢起

武侯千載有餘靈
磐石刀痕尙未平
巴婦自饒丹穴富
漢庭還負碧岑征
雨經蜀市應和酒
琴到臨邛別寄情
知有忠臣能叱馭
不論雲棧更崢嶸

題鶴鳴化上清宮

宋文同

祕宇壓孱顏飛梯上
屈盤清流抱山合
喬樹夾雲寒地古
芝英折齒秋石乳
乾鼉輪遊底處空
自立層壇

青城山丈人觀

前人

羣峯垂碧光下擁岷僊家神皇被金巾坐領五帝衙威靈攝真境俗語不敢譁精心叩殊庭俯首仰
紫華願言鳳羅盟畢世驅塵邪循奉藥珠戒期之飛太霞

題資河

范祖禹

海關橫空鎖蜀門資川巖岫若雲屯天傾白日千山底峽裏長江萬里奔

萬里橋

呂大防

萬里橋西萬里亭錦江春漲與堤平拿舟直入修篁裏坐聽風湍徹骨清

雪山圖爲劉伯溫監憲

元虞集

我家成都雪山東公家張掖雪山北吳船誰載鄭廣文起寫崑崙半天白張掖雪融草木長禾生隴
畝芻牛羊烽火連臺擬樓觀江海微茫秋練光看書京觀夜如水太乙然藜照圖史從遊冠帶文武
備斐然四郡良家子君不見黃河奔流百谷盈神禹疏鑿中州平極天鳥道雲氣盡惟北有斗西長

庚

過資中

明楊慎

起鳳才華錦水頭，鳴鑾飛步上瀛洲。
文傳莊叔樓雲閣，賦奏金鄉花萼樓。
何國白環曾入貢，至今青海未全收。
廟廊終用承平策，未許棲遲老一丘。

五丁峽舊傳爲力士開山之地，據史秦用張儀司馬錯之謀，以珍器美女賂蜀侯而取之。小說迂怪傳疑可也。遂賦此詩。

前人

峽形千仞立蒼顏，開闢從來有此山。
自是美人傾絕國，不緣壯士啟重關。
蔡蒙早入梁州貢，庸蜀曾陳牧野間。
謠俗流傳難借問，丹青遺跡尙班班。

錦城篇

并序

劉道開

壬辰之春，余隨撫軍李公赴成都，盡自己亥別去。至是十八年矣。柘樹滿城，枯骸徧地，瓦礫堆積，蛇虺縱橫，追憶昔遊，不勝滄桑華表之感。悽然賦此云。

二十四城芙蓉花，錦官自昔稱繁華。
靈關玉壘古天府，石郭金城舊帝家。
原隰墳衍望彌博，水陸所湊兼六合。
三秋禾黍美油油，萬頃秔稻紛漠漠。
其中物力自然饒，將魚代米桂充樵。
旁挺龍目側生

荔豐者綠萼蕃丹椒一色蒼松四十里東瞻北眺無邊際昔稱菊鬱千山峯今散穠陰周道底琳宮
梵刹遙相望昭覺青羊擅閼壯鎖江橋臥白沙邊廻瀾塔矗青雲上二九通門方軌途王宮可擬承
明廬延閣縹緲面華闕玉題瓏瓏映金鋪亦有甲第當衢矗修廡長廊連比屋堂撫琴瑟韻清幽門
施檠戟威嚴肅市廛所會萬商淵賁賂山積羅巨千櫨華布雜桃榔麵文君錦間薛濤箋都人士女
競鮮麗衫服靚粧飾珠翠王孫公子慣驕奢並轡聯鑣恣游戲吉辰良宴集嘉賓坐列尊壘看核陳
清醪紫鱗飛羽爵巴姬漢女弄瑤箏叩蜀之豪時來往養交都邑結儔黨家藏金穴戶銅山出則疊
騎歸百兩孝陵愛子始封王禮樂詩書垂澤長時移世易風俗壞悍宗劣宦決堤防淳樸散盡惟佻
巧刻薄兇狂爭說好衣服詭異飲食流先輩典型委蕘草人事釀成百六萬長蛇封豕自東來金湯
險隘指彈破鐵甕名城靴趨開藩府賸金緘滕守同刦烏紗皆木偶琉璃刀下血有聲成都市上人
無首一賊稱尊億兆愁鼎鑊刀碁閼兩秋已見故宮鞠茂草可憐枯骨成山丘我來含淚復何言故
交殄絕無一存誅荆剪棘支茆屋未到黃昏鬼打門雖然天厭生民惡譴罰不應如此虐累朝締構
化灰塵歷代滋培餘瓦礫若將醫國比醫病縱有扁盧難下藥已焉哉歸去來露冷銅駝泣春深杜

字哀要還并絡坤維舊除是蠶叢魚鳧才

昭烈墓

前人

錦官城外高墳起萬里橋邊路迤邐行人下馬遙瞻拜此是漢家賢天子
膺然未熄炎精微四海英雄爭奮飛樓桑皇孫有大度羽翼得人頭角
巍高才捷足蔚如雲九州各達成瓜分東奔西走無寧處唯有曹瞞識
使君南陽喚起真龍臥數應昌期王者佐中原難競且收川顛沛流離
信義播邊腹俱輸顧一角國手高碁僅此著當塗已築受禪臺武擔何
得更推却受命之年帝已老中道崩殂亦同天孤兒幸可託宗臣百姓
哀如喪妣考弓劍藏來千百秋從無樵採犯松楸白日不許牛羊牧夜
深亦少狐兔遊君不見公孫躍馬歸烏有悍骨知他何處朽又不見李
雄王建多珠玉麒麟古塚無蹤跡誰似君王百代思鬼神呵護無盡時
只今祠廟多零落猶有人尋三絕碑

成都府部紀事

總志周慎王五年秋秦大夫張儀司馬錯都尉墨等從石牛道伐蜀蜀王
自於葭萌拒之敗績王遜走至武陽爲秦軍所害

赧王元年秦已得蜀封其子通國爲蜀侯以陳壯爲相久之陳壯反殺通國秦遣庶長甘茂張儀司馬錯復伐蜀誅陳壯

搜神記秦惠王二十七年使張儀築成都城屢頽忽有大龜浮於江至子城東南隅而斃儀以問巫巫曰依龜跡築之便就故名龜化城

史記河渠書蜀守冰鑿離堆辟沫水之害穿二江成都之中此渠皆可行舟有餘則用溉浸百姓饗其利至於所過往往引其水益用溉田疇之渠以萬億計然莫足數也

漢書循吏傳文翁廬江舒人也少好學通春秋以郡縣吏察舉景帝末爲蜀郡守仁愛好教化見蜀地僻陋有蠻夷風文翁欲誘進之乃選郡縣小吏開敏有材者張叔等十餘人親自飭厲遣詣京師受業博士或學律令減省少府用度買刀布蜀物齎計吏以遺博士數歲蜀生皆成就還歸文翁以爲右職用次察舉官有至郡守刺史者又修起學官於成都市中招下縣子弟以爲學官弟子爲除更繇高者以補郡縣吏次爲孝弟力田常選學官童子使在便坐受事每出行縣益從學官諸生明經飭行者與俱使傳教令出入閭閻縣邑吏民見而榮之數年爭欲爲學官弟子富人至出錢以求

之由是大化蜀地學於京師者比齊魯焉至武帝時乃命天下郡國皆立學校官自文翁爲之始云文翁終於蜀吏民爲立祠堂歲時祭祀不絕至今巴蜀好文雅文翁之化也

華陽國志漢元鼎二年立成都十八郭於是郡縣多城觀矣

總志王莽天鳳中公孫述稱帝於蜀光武遣岑彭伐之及後又遣吳漢攻成都述自將數萬人出禦自旦及日中軍士不得食漢令壯士突之述兵大亂被刺洞胷墮馬而死

獻帝興平十九年先主入成都劉璋降

蜀志王平傳平拜鎮北大將軍統漢中七年春魏大將軍曹爽率步騎十餘萬向漢川前鋒已在駱谷時漢中守兵不滿三萬諸將大驚或曰今力不足以拒敵聽當固守漢樂二城遇賊今入比爾間涪軍足得救關平曰不然漢中去涪垂千里賊若得關便爲禍也今宜先遣劉護軍杜參軍據興勢平爲後拒若賊分向黃金平率千人下自臨之比爾間涪軍行至此計之上也惟護軍劉敏與平意同卽便施行涪諸軍及大將軍費禕自成都相繼而至魏軍退還如平本策

水經注益州刺史皇甫晏至都安屯觀坂從事何旅曰今所安營地名觀坂自上觀下反上之象其

徵不祥不從果爲牙門張弘所殺

郫縣民有姚精者爲叛夷所殺掠其二女二女見夢其兄當以明日自沈江中喪後日當至可伺候之果如所夢得二女之尸於水郡縣表異焉

總志晉惠帝元康八年李特進攻成都後其弟李雄又攻走羅尙取成都自稱成帝

哀帝興寧三年司馬勳反自號成都王引兵入劍閣圍成都桓溫表江夏相朱序爲征討都護以救蜀太和元年夏五月朱序及益州刺史周楚擊勳斬之

義熙九年劉裕以朱齡石爲益州刺史率臧喜劉鍾將兵一萬自江陵討譙縱諸軍倍道兼行縱遣譙道福以重兵守涪城備內水齡石至彭山縱遣侯暉夾岸築城以拒之翊日齡石攻城克之斬暉舍船步進賊營望風奔潰縱出奔投道福不納乃自縊齡石入成都誅縱宗親餘皆安堵

南齊書裴叔業傳建元元年除屯騎校尉虜侵司豫二州以叔業爲軍主征討本官如故上初卽位羣下各獻讜言二年叔業上疏曰成都沃壤四塞爲固古稱一人守隘萬失趨趨雍齊亂於漢世譙李宓於晉代成敗之迹事載前史頃世以來綏御乖術地惟形勢居之者異姓國實用武鎮之者無

兵致寇掠充斥賦稅不斷宜遣帝子之尊臨撫巴蜀總益梁南秦爲三州刺史率文武萬人先啟岷漢分遣郡戍皆配精力搜盪山源糾虔奸蠹威令旣行民夷必服除寧朔將軍軍主如故

總志簡文帝時武陵王肅紀僭帝位於成都統兵東下梁王聞之乞援於魏魏遣大將軍尉遲迥伐成都時成都見兵不滿萬倉庫空竭肅爲嬰城自守迥擊敗之

續博物志玉局觀洞高駢帥蜀取罪人以繩絆其腰令探淺深繩兩日方絕出青城山洞天觀門

唐書高駢傳蜀之士惡成都城歲壞駢易以磚甃陴堞完新貢城丘陵悉墾平之以便農桑訖功成筮之得大畜駢曰畜者養也濟以剛健篤實輝光日新吉孰大焉文宜去下存上因名大元城

唐國史補蜀郡有萬里橋元宗至而喜曰吾常自知行地萬里則歸

摭異記元宗幸東都偶因秋霽與一行師共登天宮寺閣臨眺久之上遐顧愴然發歎數四謂一行曰吾甲子得終無患乎一行進曰陛下行幸萬里聖祚無疆及西行初至成都前望大橋上舉鞭問左右曰是橋何名節度使崔圓躍馬前進曰萬里橋上因追歎曰一行之言今果符之吾無憂矣

總志僞蜀廣政末成都人唐季明因破一木中有紫文隸書太平兩字時以爲佳瑞有識者云不應